

大荔縣志

卷首 序 纂修姓氏

目錄 凡例

圖攷

卷一 天文 地理上

卷二 地理下

大荔縣志序

經云君子學道則愛人傳云山川能說可以爲大夫鄭志問曰山川能說何謂也答曰兩讀或言說說其形勢也或曰述述其故事也由此而言古之君子出身臨民必本讀書十年之學因其物土風俗相其邱陵原隰以行其政焉故一方之掌故本於志方志之文獻通乎政所謂學道之君子異乎俗吏之爲之也大荔古馮翊爲漢左輔地大物博代有故實自內傳古史所紀王城雒陰及漢渠唐苑之所在見於載籍煥然可稽

國家積德累仁風行俗美自府事修和

積貯殷實以及名賢節孝之日出蒸
蒸焉月異而歲不同不有採錄以紀
其盛曷以昭茲來葉今縣尹賀君雲
鴻到官以來百廢具舉得以公餘表
章風雅興修此志甚可嘉也予昔以
按部至乎馮翊訪漢龍首渠故道疑
有存者河渠書稱引洛水至商顏岸

善崩則井渠自此始井下相通行水
知古人利民之法無不至今伏龍祠
故陞存焉秦地宜禾其字从禾禾之
所由宜存乎溝洫近世官其土者憚
於興事渠跡日湮豈所稱法古利民
者歟沙苑九千頃自隋唐至宋置監
爲牧地杜甫詩猶能道其制大觀中

罷監以爲芻粟費官緝馬又亡失不
如改爲良田其牧遂廢此其說似是
而實非何則沙苑磽瘠禾黍不殖且
畜牧之利自古重之谷量牛馬所以
富民今其地僅樹瓜果居民或交牧
其中是宋時廢牧而又不可爲良田
非善政也河渠畜牧爲治者所宜並
重而關中尤有舊政可循吾知賢尹
必能加意焉則其事具在志乘亦不
負予弁言之意也夫乾隆五十年歲
次乙巳正月

賜進士及第

欽賜一品頂帶兵部侍郎兼都察院右副
都御史巡撫陝西西安等處地方提

督軍務兼理糧餉鎮洋畢 沅撰

大荔縣志

卷首序

四

新修大荔縣志序

假使許原阜上西方美植榛苓商泮灘邊
南國歌培棧樸黍沃黃堆之嶺周烏婆娑
棠繡赤岸之砂召旌芟憩則鄧京孔邇鳴
彼鳳之雝雝將鎬室攸同受我龍之躋躋
永護德星於東井長弭災曜于北辰矣詎
意裂帛聲譁頻驚燧火彎弧勢迫突騁旃

旄淪大戎者三百年射狐矢今二萬旅初
城元里魏秦互截之塲嗣鞏函關楚漢交
爭之隘暨乎委侯獻計日近長安因是倪
史宣猷霞蒸左輔察吏標薛黃之績平戎
振梁鄭之威位選名卿陝分東右疆聯重
嶂嶽峙西中無何官逸萬年帝子可憐採
相有自檄移三輔堡軍猶賴輸糧久慶苞

桑行悲梗棘五胡作元黃之戰野兩魏冲
茶墨之凶鋒青柯挿起千排天生飛獺白
挺呼來一躍地鎮卧熊先誕隨尼儲占貴
相繼振禰突后現神光晚菊疏桐賦金輿
之過宅揚幡振鼓侈玉蹕之還鄉天成纒
改新街鱗角已騰般若院父老甫迎故社
虎賁又次長春官華今獻豐倉日增千卒

櫟丞規烈園時緩半旬文如夢咸隨姬聖
教尚留碑蹟武似靈崇鄂國龍興還剝塔
基間道封尤叛夫投首臨塘受箭名將披
胷沙苑塵關沙院嗟五代幾無寧宇匡國
祥更定國怪十朝竟有佞臣渴疲牛帳之
師禱神工而鑿井唾拾兔園之冊慙酒務
以修費廂閱防邊勇敢三千材武市籌鬻

木廉捐十萬緡錢朱晦翁憑節之銘完顏
合祀說可元微老報祈之疏奇渥偕升亞
哥達魯噶齊仍統將軍之職治中丞牧迺
裁節度之尊前朝之品第懸殊勝代之妍
媿輩出錢秦萃雋化媿女翁高鄭掄勳慈
濟杜母斯邑不通郵驛巖石廻車彼蚩毋
假扞擻萑符歛迹惟官方之旣飭乃士習

之彌端講幄相文莊稷稜怎肯趨元輔藩
垣持正直踟躕奚能奉闕璫蓮花寺裏負
忠骸是喬是梓栢樹坎頭漂烈柩如瑟如
琴百忍書來公藝同居九世兩舟付去曼
卿並舉三喪文章班馬之遺夏聲必大武
略祭羊之度秋隼誠雄韻叶小戎旌坊珉
于黃鵠篆拈真締賜袍笏于碧雲人傑隄

月旦之評物華纈風塵之秀疾藜楹棹誇
瑤筍之生芽耳鬣尾厖賽珠鬚之滴粒譬
彼杞珍甘塞逾他瓜種邵陵此太史徵謠
胥得表諸籤碧而職方紀瑞允宜垂以汗
青者也第馬滇憲之舊志已亥或至說三
卽俞會稽之新編甲丁尤虞漏萬鴻翹秉
中丞盛意邇親刺史嘉謨承乏雙葺省方

四境懼前蔽之湮沒擬纂全部以成書期
後學之俊髦欣集衆擎而採事遵道固何
偏何黨立言亦譏毀誰譽攷文已匪無憑
諮獻而皆有據庶儼乎年勝軌騰達箋紅
漫將百里名圻沉淪曳白雖康武功之惜
墨洵屬未遑若魏伯起之穢毫則吾奚敢
謹序

乾隆五十一年歲次丙午嘉平月

文林郎知大荔縣事武強賀雲鴻梅

坪氏撰

沈志原序

沈應俞曰作史有三長志未敢放也志固有體焉志實不志虛志信不志疑志質不志文夫然志也而徵而史矣同古上輔地右臂京兆左喉晉阪隆岷崔峯者屏蓮嶽而枕虹嶺也轉騰激洌者襟黃河而帶渭洛也駢田浩穰莊廛四達者田陌之繡錯廬舍之鱗萃也土厚民稠駸駸乎沃壤矣秦曰內史漢設郡唐宋以來置道置路悉鎮上卿蓋審所要矣雍正乙卯陝大憲揆厥形勝知不可以州隘之疏請陞郡跡舊州轄爲附郭縣曰大荔

大荔縣志

卷首 原序

十

天子簡畀鴻宿以

華容張憲來典新府比下車飭吏輯

民興利抗弊崇學校課農桑蒿心瘁慮不遺餘力七稔於茲官無墨敗之聞民有陽春之樂禾穀順成匪盜芟薙視右兒千乘蕭蘭陵者直尋常倍徙間矣以其暇日修纂府志劇鉢拮據元元本本十屬之典要備一府之規制新蓋洋洋乎大觀也

俞辱

大憲薦

除邑乏猥以伺沓惴惴切馭朽憂所賴屈近斗嶽凡獲請命以行以是俞亦七歷年所克免隕越今乃欲以款啓者妄續貂尾詎不穢形然而有不得不志者三邑爲首劄不得不志府已成帙不得不志年遠事

湮久思無考更不得不志坐是遂不敢自匿村留冗
餘讀舊州志爲明天啓邑副使馬公手筆距今一百
十八年沉隱者幾何人變遷者幾何事更附志朝卽
等五邑事體制錯雜帝厠混淆及此不修等之無志
也旨哉 郡憲之言曰州志不得爲郡志二州志不
得爲一郡志也然則同之州志不得爲荔之縣志府
有總志不得無縣之分志也審矣用是博諮採嚴分
校披訂纂組凡分卷十有六列目三十有二其中近
誕肆者不敢志叅疑似者不敢志事涉黍黍弗闕型
勸者復不敢志一篇之中三致意焉凡所謂志實志

大荔縣志

卷首 原序

七

信志質者類在是與若夫藻而潤之澤以梔蠟則俟
之強博君子閱六月稿成呈請 郡憲 郡憲曰可
爰舉而壽諸梓時

乾隆七年歲次壬戌孟夏之月

馬志原序

馬朴曰夫郡邑之有志則國之有史也然史設顯官
又有注錄章疏之可據而志無司存與著事者其載
筆之難易異執矣史以褒貶昭勸戒而志以模寫備
紀載其體裁異指矣史之遇以人而得則良失則穢
各不相揜志之遇以世而幸則傳不幸則并廢好醜
或薄續編而盡塗前人之面目以自見且毋論雖黃
之昭而存亡之久近復異嚮矣故志非特傳者特傳
之者也志亦難言哉同於秦稱天府首封於漢爲黃
圖重輔卽三尺童豎有不知爲禹內之大國者哉宜

大荔縣志

卷首 原序

七

掌故所存不乏倚相之藏而索之斷簡編於二三學
究者寥寥無當什一五邑成書亦不無小有訛漏余
不佞每用搯學謂故頡之書倫之紙太史之文世稱
三絕藝於是焉產而迺今曾不及以尺簡爲馮翊重
乎遂間發所藏金石竹素之遺若山經地志家乘墓
碣之副凡語繫同事者輒手錄片楮爲識積有歲年
雅欲摭摭殺青以備文獻缺事而方時促刺公車旣
受事蔣陽倥偬弗果及再起家易本攜藁以行乃逸
其半侵尋至於遂初始復記憶傳訪詮次卒業嘗謂
文先辨體頗疑近之爲志者或編年纂史或漫書類

記或璣掇似俳雖鴻藻斐然要不免好奇之過故余於志體不飾詭以崇雅也事必考實以傳信也文絀蔓辭以存質也夫亦竊附於述而不作之義用物於衆取衷於獨庶幾毋失志之故步已耳志凡十有八卷五邑各以類附署曰同州從今名也蓋余蒿目焦心幾三十年而後成成又五年而今張使君始付剞劂焉使君下車更化百廢皆興又襄茲乘事非馮翊之地靈有大幸不及此唯是掛漏紕謬余安敢自信其可傳則刊訂增修而善存之烏能不望於後之才士紳與賢大夫哉時天啓四年歲在甲子

大荔縣志纂修姓氏

纂輯

陝西同州府大荔縣知縣加三級賀雲鴻

梅坪直隸武強人
己亥舉人

叅訂

陝西分發府知事今河南濬縣縣丞王復

秋勝浙江秀水人
附監生

大荔縣儒學教諭 咸安宮教習王大任

覺堂陝西長安人
甲午舉人

署大荔縣儒學訓導候補教諭潘廷驥

天衢陝西咸陽人
廩貢生

大荔縣縣丞鴻臚寺序班王永禮

敬齋順天良鄉人
增貢生

大荔縣典史從九品銜 陳 箬

雲亭貴州鎮遠人
監生

採訪

大荔縣志

卷首 姓氏

一

原任山東壽光營都司

張 桐

堯天大荔人
辛巳武進士

候選千總 封武德郎 李鎮岐

鳳都

大荔人

舉

人李文增

少章大荔人
丁酉

舉

人王學瀉

良齋大荔人
丁酉

舉

人董廷柱

底中大荔人
庚子

武

舉王光表

四格大荔人
丁卯

武

舉邢際和

榮天大荔人
壬午

武

舉田懷英

雄川大荔人
己亥

候選

州

同都佐清

輔臣大荔人

附生

鄉飲介

賓孫柱

礎卿大荔人

武

舉扈殿魁

聚東大荔人
庚寅

拔

貢魏鎮梁

丁酉大荔人

廩

生李長發

大荔人

附

貢呂應律

叶六大荔人

廩

生楊九韶

賡虞大荔人

增廣

生楊鏡

鑿齋大荔人

武

生張璉

大荔人

監

生淡廷標

子建大荔人

校閱

生張綿

繼堂朝邑人

大荔縣志

卷首 姓氏

二

附

生盧士蘭

香陔大荔人

監

生莊世鏐

蓉君江蘇元和人

儒

童周天桂

玉蟾朝邑人

大荔縣志總目

卷首

序 纂修姓氏 目錄 凡例 圖攷

卷一

天文 星野 地理上 沿革 疆域 形勢 編戶

卷二

地理下 山川 水利 古蹟

卷三

建置 津池 公署 兵弁 舖司 鎮堡

卷四

大荔縣志 卷首 目錄

食貨上 賦稅

卷五

食貨下 蠲賑 物產

卷六

學校 風俗

卷七

祠廟 冢墓

卷八

職官一 自漢迄明

卷九